

古愚心言四

蘇子瞻
知不足齋
藏

PDG

善本

寄示壇兒語十四

庚午臨洵稿

兒還記乙丑七月十二日偕赴洵時乎



自通州渡河遇

雨覓一破乘爲兒代雨具吾騎七十里水中行抵洵入
東門水深三尺至寓與舊明府借一袍換自衫及袴閉
門脫卸取熨斗熨稍濕穿出接印兒後至渾身亦淋漓
然黍稽爲火烘衣相顧太息不下咽吾於城隍廟齋宿
禦蚊無幃通夕刺膚不能寐寓室兒全苦何意六年後
苦海登岸卽在是月之十二日也夜闌出南門好月如
畫長天無塵回視入洵此日七十里雨淋泥滑熨斗去

濕折稽爲烘此景何易得不可不思艱也署篆余同年
卽平谷明府六月初八日始來視事諸項未完留滯三
旬至今鵲橋渡日始出結撫軍於初九日給咨今十五
口赴部驗到矣引 見尚遲暫賃通潞枝棲汝父入長
安絕不一謁士大夫卽公薦先生亦未嘗遽踵其門羣
笑汝父迂汝父乃言曰先生以不識面薦我也先生薦
人爲國非爲私也未引 見而先呈身是吾負身而且
重負先生者也此何足述見駱駝馬腫背少見多怪不
得不爲吾兒及之汝父七尺之軀舍頂天立地外別無

所倚倘邀祖宗之靈備員臺諫知無不言言無不盡惟
念言必盟心事必反已今有十不許別緘示汝

聖明在御無隱不照無微不燭無遠不聞吾兒稍一踰閑
汝父席藁卽自檢罕負吾子必不忍負吾

君吾兒素指汝父爲鐵石人夫石尚可轉鐵亦可煅汝父
蓋不止鐵與石也書至此轉而思曰吾兒夙慧男子吾
望兒撞破烟樓如今所緘十不許云者凡俗豚犬耳汝
父何多慮然願吾兒慎毋忘汝父自甲寅閩變以死拒
僞絕粒飲水伏床三歲其於天道人情物理推勘殆盡

宰沟布衣粗糲祁寒暑雨風波霜雪艱苦備嘗與民如
家人父子一一推誠臨行城內樂善里四關同善里具
夫親睦禮讓仁義忠信入路十五鄉父老子弟日伺扳
轅吾六載宰沟豈爲一日伸脚留靴地乎更靜單騎帶
一僕潛去天明至潞闔邑人未之知也踽踽涼涼吾晚
年行徑大畧如此習慣自然并非矯強汝當曲體父心
寶樹菴笏地吾父汝祖所憑依也如在如臨汝父可欺
汝祖不可欺即使汝祖汝父皆可欺而道路有口發通
見遠將誰欺乎大學誠意章不可不三復汝父以言教

實以身教卽以今春開例援納言收納之際耗稱雀鼠見者又必以贄古愚謂此備荒也天災流行

聖主愛民權宜補救有司者因以爲利是喜災也喜災者不祥勅量斗鐵本相見投贄屏而去石托貽汝父書贄幣乞納復之曰不貪所以爲寶破戒原不在多藉手返璧詞旨峻峭汝三叔方至署以交際常情微爲請汝父嘆曰如此則爾兄猶人也十邀特旨留任奚爲哉聊述以誠汝人生處境何常之有汝父雖席祖宗餘庇爲名家孫子然憶少時赴鄉試草屨重繭良苦今汝爲吾

子雖貧不至此吾昔遭亂捨生取義幸而不死銓選三
邑目罹處分以疊降十二級之縣員叨蒙 特簡爲十
五國長吏冠汝壇亦與有光使鄉人指之曰此彭與壇
之父也古愚爲壇父不忝壇爲古愚子若不待古愚以
文臺累古愚爲景升壇忍乎古愚甘乎吾兒反覆讀此
叮嚀嚴厲亦可知吾志矣如屬私事家報中并不許隻
字瀆及吾年五十四有一虛飾有一曲狗語不由衷天
罰立折算折之不已累及汝可不畏哉可不慎哉此札
置之案頭儆則當鐘惕則當棒子侄輩并與細說一番

另示汝母札甚簡吾兒將此札一一解說令汝母起聽
汝二叔入城盟手親送一讀癡叔吾無慮處族戚以親
愛待鄉黨以和厚接交遊以嚴謹保體膚以調攝進學
業以沉潛若傲若縱若刻若荒敗覆可立待也前輩大
家——殷鑒康熙二十九年七月二十五日古愚白

寄示壇兒語十五

庚午潞河稿

泥途尺蠖倏忽騰霄自顧竊幸者人情也合之今春開
函得吾兒新稿爲溢喜又聞吾兒於寶樹菴下帷尤爲
溢喜汝季叔爲吾言寶樹有隙地壹畝值不過數金吾
兒意欲購今從汝意但數椽蔽風雨淨窓明几雅人深
致以謔聲出金石爲貴或高處結一茅亭閒時遠眺亦
勝槩也此地附西關城下稍擴則爲公廨納固堪憎拒
亦多事取容膝而已吾輩以萬物爲一體居天地之廣
居又安問此廣狹爲哉兒與汝父浩浩落落隨興設想

前書汝請於橫塘荔園內蓋亭觚半間吾札欲於慈聖
禪林後結茅顏曰閒閒圃園地皆吾舊物吾與兒所欲
且不果若購蘭若旁想兒興盡亦輟耳閉戶叅四子書
儼若先聖先賢臨之在上匪但取科第云也讀史開卷
瞭然平心尚論千古單行此與虛度比匪相去何如汝
壇從上則汝父他時歸來爲汝掃葉煮茗執帚掃地供
汝讀書固所願也向見汝書道及諸侄質學時時悚然
今寄題十二汝叔回家卽請與岸與曾至家各授筆墨
每次二題隔日一試試畢稿封寄勿擅臧否少者未肯

降心傷和氣耳處家與涉世大抵如斯旁通則無咎林
鐵山先生爲吾父子文字道義之交聞古愚特擢其喜
定出他人千百倍有書寄候貧也附貳金買秫多釀酒
引滿稱快書汝自送去簡畧不備云詳在壇兒札中命
兒齋誦自悉遠戾不及另札附寄貳金供膏火以此札
示之生平大事惟爾祖爾祖母封塋未砌石與劉伯翁
未塋而已汝與遠戾能辦否便羽速復吾兄弟叔侄鄉
試卷金緘於六月初三因交代未了昆季依依汝叔歸
遲回時原札仍各送有新進者補之吾雖貧此禮不可

缺母以塲後而弗致也若汝未爲弟子員無從觀光亦
母以童子而羞與子衿見也世俗父兄教子弟蚤暮啣
唔剽竊八股爲盜取兩科計吾惓惓異是前書所謂文
旣佳售與不售又何論特索汝應試草寸晷風簷以此
驗才力百不失一焉幸郵致新稿有作勿憚因鴻昔人
得一嘉言如享太牢吾得兒佳篇雖烏臺青瑣不以易
也謂予不信有如皦日

寄示壇兒語十六

庚午燕臺稿

遠侯南歸臨行別無可言惟諄囑吾壇將汝父前後諸
札敬之敬之凜之凜之汝父宰洵六載恭逢 覃恩以
降級之員例不得贈父母瞻天對人撫已淚乾以血幸
蒙欽取選用御史臺可以卽補倘遇 恩典邀綸綍爲
吾父汝祖地下光此生差無憾今九月十六日欽奉

特旨以科員用舉朝咸稱殊遇然此缺候補尚需歲月未
能卽得以是增惶恐今勉措援例封贈榮親報本之心
稍盡絲毫以此報吾壇母子應爲汝父喜吾記垂髫讀

書汝祖極口稱吾伯考大司馬公初爲諫垣曰真男子
此官不可不拜其後伯考以忠諫聞顧名責實吾不知
何以副汝壇知之否爲人臣者隨分可盡職獨至諫官
惟以言報國文章取其見諸事也迂疎與近名兩者均
失夙夜以興不遑寧處汝來書逐條另示細瑣不贅汝
父所惓惓者立身行已有大於此者也自揣無狀言不
足徵閩李文節燕居錄云有炎然後有涼有繁華然後
有衰落誠當得意時做得清清冷冷寂寂寞寞後來亦
不過冷淡寂寞止矣又閩鄭中丞昨非菴日錄云舉而

措之天下之民謂之事業舉而措之一家之人謂之產業舉而措之害天下之民以利一家之人謂之寃業以產業作事業人怨之以產業作寃業天殛之又云世人只爲體面二字百事勉強試問供帳應付費從何來饒者旣乏贏餘乏者遂虧產業若作宜則竊帑藏剝閭閻居鄉事居間恣漁獵護惜小體面傷大體面而弗顧豈不大錯特錄數則示汝詩云高山仰止景行行止雖不能至心竊向往之汝祖考妣生前樂善吾爲令不得贈今以科員遵會援例贈給事中爲善獲報無彊惟休汝

當爲祖父培此善根汝父今年五十四所見所聞積善之家必有餘慶積不善之家必有餘殃人無於水鑒當以人鑒紹用忍發前母柩壙而鬻之汝照契以贖似此存心尤當察識擴充但勿沾沾口召問耳笥中有汝新稿數篇硃圈硃批出鹿胎陳年伯墨圈墨批出儀真家譽侯伯封緘寄還文字至極頂如日月經天江河行地有目者所共觀忠業之不精不患有司之不明勉之勉之朝珮前寄諸作決其必售今果脫穎又聞林祖蒼入泮喜至不寐汝父生平惟緇衣之好最篤汝當悉聽親